

七十二家集

薛司隸集題詞

薛玄卿無奇行亦無遺行無
傲骨亦無媚骨蓋藻林而存
方軌者獨懸車之請不力既
拚方鎮尚挂朝簪黃髮皤々
惜哉其不鑒于流潦也當煬

帝時鸛鷺班頭誰非私昵豈
容一老成鈍人昂首其間口
角雌黃殊妨人懽趣譬之群
英吐艷爭態負妍特一老幹
亭々中央濺翠其遭斫伐必
也是故獻頌先朝縱不為後

王所獎賞何至負譽若空梁
燕泥非止嫉人勝已夫亦疑其
語有隱刺焉總非意中人則
事曲生眉目耳或以藩府之
招間道他往為不善攀鱗余
謂玄卿即赴召而局面自殊

上竟睽投契不若孤守介性為
高令玄卿毀方尾合護厥貞名
君子豈為玄卿顧之哉玄卿見
河汾之可師而遣子收從之其在
法壇雅非牆外僕視虞世基輩
便隔霄壤矣

張燮識

薛司隸集目錄

卷之一

賦

宴喜賦

樂府

出塞二首和楊處道

楊素出塞二首附

昭君辭

昔昔鹽

豫章行

詩

從駕幸晉陽

奉和月夜聽軍樂應詔

奉和臨渭源應詔

隋煬帝臨渭源附

秋日遊昆明池

江總秋日遊昆明池附

元行恭秋日遊昆明池附

敬酬楊僕射山齋獨坐

楊素山齋獨坐贈薛內史二首附

重酬楊僕射山亭

楊素贈薛內史附

入郴江

渡北河

和許給事善心戲場轉韻

展敬上鳳林寺

從駕天池應詔

梅夏應教

人日思歸

夏晚

歲窮應教

詠苔紙

表

奉使表

書

弔延法師書

卷之二

碑

老氏碑

頌

隋高祖頌

有序

祭文

祭江文

祭淮文

附錄

薛道衡傳

唐魏徵

贈薛播州十四首

隋楊素

遺事

集評

薛司隸集卷之一

隋河東薛道衡玄卿著

明閩漳張燮紹和纂

賦

宴喜賦

梁孝王帝子帝孫藉寵承恩名高西漢禮盛東
蕃引雍容文雅之客坐檀欒脩竹之園水逶迤
而繞砌風清冷而入軒直凝神而廻矚乃惆悵
而興言顧謂枚乘曰予聞氣序環周人生萍浮

補天立地之聖不能止日光西落疏山奠川之
力不能停河水東流韓王酸棗之觀荒疎蕪漫
楚國陽雲之臺空見塵埃固可以縱志縱心以
遊以逸窮宴樂於長夜混是非而爲一于時霜
重庭蘭秋深氣寒橫長河之耿耿挂孤月之團
團乃有丹墀縹碧柘館椒宮徘徊宛轉掩映玲
瓏妖姬淑媛玉貌花叢織女下而星落姮娥來
而月空澄粧影於歌扇散衣香於舞風圖雲刻
雷之樽漬桂釀花之酒拭珠瀝於羅袂傳金杯

於素手

樂府

出塞二首和楊處道

以下
五言

高秋白露團上將出長安塵沙塞下暗風月隴
頭寒轉蓬隨馬足飛霜落劍端凝雲迷代郡流
水凍桑乾烽微枯槲遠橋峻轆轤難從軍多惡
少召募盡材官伏堤時卧鼓疑兵乍解鞍柳一作
龍城擒冒頓長坂納呼韓受降今更築燕然已
重刊還嗤傅介子辛苦刺樓蘭

邊庭烽火驚插羽夜徵兵少昊騰金氣文昌動

將星長驅鞬汗北直指夫人城絕漠三秋暮窮
陰萬里生寒夜哀笛曲霜天斷鴈聲連旗下鹿
塞疊鼓向龍庭妖雲墜虜陣暈月遶胡營左賢
皆頓顙單于已繫纓縛馬登玄闕釣鯢臨北溟
當知霍驃騎高第起西京

楊素出塞二首附

漠南胡未空漢將復臨戎飛狐出塞北碣石
指遼東冠軍臨瀚海長平翼大風雲橫虎落
陣氣抱龍城虹橫行萬里外胡運百年窮

寢星芒落戰解月輪空嚴鐃息夜斗駢角罷
鳴弓北風嘶朔馬胡霜切塞鴻休明大道暨
幽荒日月同方就長安邸來謁建章宮

漢虜未和親憂國不憂身握手河梁上窮涯
北海濱據鞍獨懷古慷慨感良臣歷覽多舊
迹風日慘愁人荒塞空千里孤城絕四隣
寒偏易古草衰恒不春交河明月夜陰山若
霧辰鴈飛南入漢水流西咽秦風霜久行役
河朔備艱辛薄暮邊聲起空飛胡騎塵

昭君辭

我本良家子充選入椒庭不蒙女史進更失畫
師情蛾眉非本質蟬鬢改真形專由妾命薄誤
使君恩輕啼霑渭橋路歎別長安城夜依寒草
宿朝逐轉蓬征却望關山迴前瞻沙漠平胡風
帶秋月嘶馬雜笳聲毛裘易羅綺氊帳代金屏
自知蓮臉歇羞看菱鏡明釵落終應棄髻解不
須縈何用單于重詎假關氏名馱轔聊彊食簡
一作
酒未能傾心隨故鄉斷愁逐塞雲生漢宮

如有憶爲視旄頭星

昔昔鹽

垂柳覆金堤
薜蘿葉復齊
水溢芙蓉沼
花飛桃李蹊
採桑秦氏女
織錦竇家妻
關山別蕩子
風月守空閨
恒歛千金笑
長垂雙玉啼
盤龍隨鏡隱
彩鳳逐帷低
飛魂同夜鵲
倦寢憶晨雞
暗牖懸蛛網
空梁落燕泥
前年過代北
今歲往遼西
一去無消息
那能惜馬蹄

豫章行

七言

江南地遠接閩甌山東英妙屢經遊
前瞻疊障千重阻却帶驚湍萬里流
楓葉朝飛向京洛文魚夜過歷吳洲
君行遠度茱萸嶺妾住長依明月樓
樓中愁思不開嚙始復臨窻望早春
鴛鴦水上萍初合鳴鶴園中花併新
空憶常時角枕處無復前日畫眉人
照骨金環誰用許見膽明鏡自生塵
蕩子從來好留滯况復關山遠迢遞
當學織女嫁牽牛莫作姮娥叛夫壻
偏訝思君無限極欲罷欲忘還復憶
願作王母三青鳥飛

去飛來傳消息豐城雙劍昔曾離經年累月復
相隨不畏將軍成久別只恐封侯心更移

詩

從駕幸晉陽

省方遵往冊遊豫叶前經金吾朝戒道校尉旌
巡營重轡下飛騎絕浦渡連旌澗水寒逾咽松
風遠更清方觀翠華反簪筆上云亭

奉和月夜聽軍樂應詔

旌門臨古堞微道度深隍月冷疑秋夜山寒落
夏霜遙空澄暮色清景散餘光笳聲喧隴水鼓
曲噪漁陽沈鬱興神思眺聽發天章嵩岱終難

學丘陵徒自強

奉和臨渭源應詔

玄功復禹迹至德去湯羅玉關亭障遠金方水
石多八川茲一態萬里導長波驚流注陸海激
浪象天河鸞旗歷巖谷龍穴暫經過西老陪游
宴南風起詠歌庶品蒙仁澤生靈穆太和微臣
惜暮景願駐魯陽戈

隋煬帝臨渭源附

西征乃屆此山路亦悠悠地幹紀靈異同穴

吐洪流濫觴何足擬浮槎難可儔驚波鳴澗
石澄岸瀉巖樓滔滔下狄縣淼淼肆神州長
林嘯白獸雲徑想青牛風歸花葉散日舉煙
霧收直爲求人隱非窮轍迹遊

秋日遊昆明池

潮陵因靜退靈沼暫徘徊新船木蘭檝舊宇豫
章材荷心宜露泫竹徑重風來魚潛疑刻石沙
暗似沈灰琴逢鶴欲舞酒遇菊花開羈心與秋
興陶然寄一杯

江總秋日遊昆明池附

靈沼蕭條望遊人意緒多終南雲影落渭北
雨聲過蟬噪金隄柳鷺飲石鯨波珠來照似
月纖處寫成河此時臨水歎非復採蓮歌

元行恭秋日遊昆明池附

旅客傷羈遠樽酒慰登臨池鯨隱舊石岸菊
聚新金陣低雲色近行高鴈影深欹荷瀉圓
露卧柳橫清陰衣共秋風冷心學古灰沈還
似無人處幽蘭入雅琴

敬酬楊僕射山齋獨坐

相望山河近相思朝夕勞
龍門竹箭急華岳蓮花
高岳高嶂重疊鳥道風
煙接遙原樹若薺遠水
舟如葉葉舟旦旦浮驚
波夜夜流露寒洲渚白
月冷函關秋秋夜清風
發彈琴卽鑑月雖非莊
鳥歌吟詠常思越

楊素山齋獨坐贈薛內史二首附

居山四望阻風雲竟朝夕
深溪橫古樹空巖卧幽
石日出遠岫明鳥散空
林寂蘭庭動幽

氣竹室生虛白落花入戶飛細草當堦積桂
酒徒盈樽故人不在席日暮山之幽臨風望
羽客

巖壑澄清景景清巖壑深白雲飛暮色綠水
激清音澗戶散餘彩山牕凝宿陰花草共榮
映樹石相陵臨獨坐對陳榻無客有鳴琴寂
寂幽山裏誰知無悶心

重酬楊僕射山亭

寂寂無與晤朝端去總戎空庭聊步月閒坐獨

臨風臨風時太息步月山泉側朝朝散霞彩暮
暮澄秋色秋色遍臯蘭霞彩落雲端吹旌朔氣
冷照劍日光寒光寒塞草平氣冷咽笳聲將軍
獻凱入靄靄風雲生

楊素贈薛內史附

耿耿不能寐京洛久離羣橫琴還獨坐停杯
遂待君待君春草歇獨坐秋風發朝朝唯落
花夜夜空明月明月徒流光落花空自芳別
離望南浦相思在漢陽漢陽隔隴岑南浦達

古詩集 卷之二
桂林山川雖未遠無由得寄音

入郴江

仗節遵嚴會揚舲
汭急流征塗非白馬
水勢類黃牛
跳波鳴石磧
濺沫擁沙洲
岸迴槎倒轉
灘長船却浮
緣崖頻斷挽
挂壁屢移鈎
還憶青絲騎
東方來上頭

渡北河

連旌映澈浦
疊鼓拂沙河

一作河

洲桃花長新浪
釣

前下奔流塞雲臨
遠艦胡風入陣樓
劍拔蛟將

出驂驚黿欲浮鴈書終立效燕相果封侯勿恨
關河遠且寬邊地愁

和許給事善心戲場轉韻

京洛重新年復屬月輪圓雲間壁獨轉空裏鏡
孤懸萬方皆集會百戲盡來前臨衢車不絕夾
道閣相連驚鴻出洛水翔鶴下伊川艷質迴風
雪笙歌韻管絃佳麗儼成行相攜入戲場衣類
何平叔人同張子房高高城裏髻戔戔樓上粧
羅裙飛孔雀綺帶垂鴛鴦月映班姬扇風飄韓

壽香竟夕魚負燈徹夜龍銜燭歡笑無窮已歌

詠

一作吹

還相續羌笛隴頭吟胡舞龜茲曲偃面

飾金銀盛服搖珠玉宵深戲未闌兢爲人所難

卧驅飛玉勒立騎轉銀鞍縱橫旣躍劍揮霍復

跳九抑揚百獸舞盤跚五禽戲狡狴弄斑足巨

象垂長鼻青羊跪複跳白馬廻旋騎

一作駛

忽覩

羅浮起俄看鬱昌至峰嶺旣崔嵬林叢亦青翠

麋鹿

一作麀麀

下騰倚猴猿或蹲跂金徒列舊刻沍

律動新灰甲莢垂陌柳殘花散苑梅繁星漸寥

落斜月尚徘徊王孫猶勞戲公子未歸來共酌
瓊醪酒同傾鸚鵡杯普天逢聖日兆庶喜康哉

展敬上鳳林寺

淨土連幽谷寶塔對危峰林棲丹穴鳳地邇白
沙龍獨巖樓迴出複道閣相重洞開朝霧歛石
濕曉雲濃高篠低雲蓋風枝響和鐘簷陰翻細
柳澗影落長松珠桂浮明月蓮座吐芙蓉隱淪
徒有意心迹未相從

從駕天池應詔

上聖家寰宇威略振邊陲八維窮眺覽千里曳
旌旗駕龍臨碧海控驥踐瑤池曲浦騰煙霧深
浪駭鯨螭

梅夏應教

長廊連紫殿細雨應黃梅浮雲半空上清吹隔
池來集鳳桐花散勝龜蓮葉開幸逢爲善樂頻
降濟時才

人日思歸

入春纔七日離家已二年人歸落鴈後思發在

花前

夏晚

流火稍西傾夕影遍曾城
高天澄遠色秋氣入蟬聲

歲窮應教

故年隨夜盡初春逐曉生
方驗從軍樂飲至入西京

詠苔紙

昔時應春色引淥泛清流
今來承玉管布字改

銀鈎

表

奉使表

江東叢爾一隅僭擅遂久實由永嘉已後華夏
分崩劉石苻姚慕容赫連之輩妄竊名號尋亦
滅亡魏氏自北徂南未遑遠略周齊兩立務在
兼併所以江表逋誅積有年祀陛下聖德天挺
光膺寶祚比隆三代平一九州豈容使區區之
陳久在天網之外臣今奉使請責以稱藩

書

弔延法師書

八月二十三日薛道衡和南俗界無常延法師
遷化情深悲怛不能已已惟哀慕摧割當不可
任法師弱齡捨俗高蹈塵表志度恢宏理識精
悟靈臺神宇可仰而不可窺智海法源可涉而
不可測同夫明鏡屢照不疲譬彼洪鐘有來斯
應往逢道喪玄維落紐栖志幽巖確乎不拔高
位厚禮不能迴其慮嚴威峻法未足懼其心經

行冥坐夷險莫二戒德律儀始終如一聖皇啓
運像法重興卓爾緇林鬱爲稱首屈宸極之重
伸師資之義三寶由其弘護二諦藉以宣揚信
足以追蹤澄什超邁安遠而法杜忽傾仁舟遽
沒匪直悲纏四部固亦酸感一人師等杖錫等
瓶夙承訓導升堂入室具體而微在三之情理
百恒慟往矣奈何無常奈何疾礙不獲展慰但
深悲結謹白書慘愴不次弟子薛道衡和南

薛司諫集卷之二

隋河東薛道衡玄卿著

明閩漳張熒紹和纂

碑

老氏碑

自太極權輿上元開闢舉天維而懸日月橫地
角而載山河一消一息之精靈上生下生之氣
候固以財成庶類亭毒羣品有人民焉有君長
焉至若上皇遂古夏巢冬穴靜神息智鶉居鷇

飲大禮與天地同節非折疑於俎豆大樂與天地同和豈考擊於鐘鼓逮乎失道後德失德後仁皇王有步驟之殊民俗有淳醜之變於是儒墨爭鶩名法並馳禮經三百不能檢其情性刑典三千未足息其奸宄故知潔其流者澄其源直其末者正其本源源本本其唯大道乎老君感星載誕莫測受氣之由指樹爲姓未詳吹律之本含靈在孕七十餘年生而白首因以老子爲號其狀也三門雙柱表耳鼻之奇蹈五把十

影手足之異爰自伏羲至於周氏綿祀歷代魁
質變名在文王武王之時居藏史柱史之職市
朝屢易容貌不改宣尼一覩嘆龍德之難知關
尹四望識真人之將隱乃發揮衆妙著書二篇
率性歸道以無爲用其辭簡而要其旨深而遠
飛龍成卦未足比其精微獲麟筆削不能方其
顯晦用之治身則神清志靜用之治國則反朴
還淳旣而鍊形物表卷迹方外蜺裳鶴駕往來
紫府金漿玉酒讌衍清都叅日月之光華與天

地而終始涉其流者則擯落囂塵得其門者則
騰驤雲霧大椿凋茂非蜉蝣之所知溟渤淺深
豈馮夷之能測盛矣哉固無德而稱也莊周云
老聃死秦佚弔之三號而出是謂遁天之形雖
復倣吏之寓言抑亦蟬蛻之微旨皇帝誕靈縱
轂接統膺期照春陵之赤光發芒山之紫氣珠
衡月角天表冠於百王明鏡衢罇聖德會於千
祀周道云季多難在時九鼎共海水同飛兩目
與洛川俱闢天齊地軸之所蛇食鯨吞銅陵

壘之區狼顧鴟跂黃延奸宄鄭阻兵禍大縱毒
螫將逼函夏神謀內斷靈武外馳應攬搶而掃
除仗旄鉞而斬伐共工旣翦重立乾坤蚩尤就
戮更調風雨宰制同造化之功生靈荷魂魄之
賜萬方欣戴九服謳歌乃允答天人祗膺揖讓
升泰壇而禮上帝坐明堂而朝羣后昔軒轅顓
頊建國不同大昊少昊邗畿各異舜改堯都夏
遷虞邑歷選前辟義存創造惜十家之產愛兆
民之力經始帝君不移天府規摹紫極仍據皇

圖下宇上棟務存卑儉右平左城肆遵制度朝夕正殿不別起於鴛鸞升降靈臺豈更營於鳩鵲憂勞庶績矜育蒼生念茲在茲發於寤寐棘林肺石特降皇情祝網泣辜深存寬簡草纓知耻畫服興慙天無入牢之星地絕城牛之氣延閣廣內考集羣典石渠壁水闡揚儒業綴五禮於將壞正六樂於已崩總章溺志之音太師咸功之頌承華養德作貳東朝外正萬邦內弘三善兩離炳曜重日垂明永固洪基克隆鼎祚重

以維城磐石多藝多才良佐寶臣允文允武爲
王室之藩屏成神化之丹青致世俗於潤塗納
蒸民於壽域旄頭垂象窮變成形獯獫作患其
來久矣無上算以制之用下策而難服自我開
運耀德戢兵感義懷仁稱藩請朔稽顙款塞匍
匐投掌特柯夜郎之所靡漠桑乾之地咸被聲
教並入提封閩越勾吳不愆貢職夫餘肅慎無
絕夷邸遐邇禔福文軌大同自三代之餘六雄
競逐秦居閭位漢雜霸道魏氏則虐深華夏有

晉則化成戎狄降斯以後稷駁不分帝迹皇風
寂寥千載天命聖德會昌神道變億兆之視聽
復三五之規模固以幽明贊協待瑞彪炳千年
靈蔡著天性以効徵三足神鳥感陽精而表質
春泉如醴出自京師秋露凝甘遍於竹葦星光
若月雲氣飛烟三農應銅爵之鳴五緯叶珠囊
之度信可以揚鑾動蹕肆覲東后玉檢金繩登
封岱岳而謙以自牧爲而不宰尚寢馬卿之書
永允梁松之奏在青蒲之上常若乘奔處黃屋

之下無忘夕惕雖蒼壁黃琮事天事地南正火
正屬神之祀猶恐祀典未弘秩宗廢禮永言仁
里尚想玄極壽宮靈座麋鹿徙倚華蓋蜀壇風
霜凋弊乃詔上開府儀同三司亳州刺史武陵
公元胄考其故迹營建祠堂皇上往因歷試愍
斯藩部猶漢光司隸之所魏武兗州之地對苦
相之兩城繞渦轂之三水芝田柳路北走梁園
沃野平臯東連譙國望水置檠揆景瞻星擬玄
圃以疏基橫玉京而建宇雕楹畫栱磊砢相扶

方井員淵參差交映尊容肅穆僊衛儼而無聲
神館虛閑滴瀝降而成響清心潔行之事存玄
守一之儔四方輻湊千里波屬知如在之敬申
黜祀之禮顯仁助於王者冥福資於黎獻允所
謂天大道大難幾者矣若夫名言頓絕幽泉之
路莫開形器不陳妙物之功難著騰茂實飛英
聲圖丹青鏤金石不可以已而在茲乎歲次敦
牂律中姑洗大隋馭天下之六載也乃詔下臣
建碑作頌其詞曰

悠哉振古邈矣帝先四紀維地八柱承天叢生
類聚廣谷大川至道靈運神功自然五精應感
三微相繼樹以司牧執其象契帝迹慙皇王猷
謝帝上德逾遠淳風漸替時乖澹泊俗異冲和
尚賢飾智懸法張羅內修樽俎外事干戈魚驚
網密鳥亂弓多真人出世星精下斗龍德在躬
鶴髮垂首解紛挫銳去薄歸厚日角月角天長
地久小茲五嶽監此九州逝將高蹈超然遠遊
青牛已駕紫氣光浮玄門洞啓神化潛流賴鄉

舊里渦川遺迹古往今來時移世易靈廟凋毀
祠壇虛寂九井生桐雙碑碎石惟皇受命乃神
乃聖響發地鍾光垂天鏡宇宙開朗妖氛蕩定
睢魄同尊叅神取正流沙蟠木鳳穴龜林異類
歸款萬方宅心鴻臚納賚王會書琛青雲干呂
薰風入琴化致鼎平家典禮讓永言柱下猶慙
太上乃建清祠式圖靈狀原隰爽塏亭臯彌望
梅梁桂棟曲檻叢楹煙霞舒卷風霧淒清僊官
就位羽客來庭穰穰簡簡降福明靈至神不測

理存繫象大音希聲時振高響遐邇讚頌幽明
發仰敬刊金石永播天壤

頌

隋高祖頌

有序

太始太素荒淫造化之初天皇地皇杳冥書契
之外其道絕其迹遠言談所不詣耳目所不追
至於入穴登巢鶉居鷇飲不殊於羽族取類於
毛羣亦何貴於人靈何用於心識羲軒已降爰
暨唐虞則乾象而施法度觀人文而化天下然
後帝王之位可重聖哲之道爲尊夏后殷周之
國禹湯文武之主功濟生民聲流雅頌然陵替

於三五懋德於干戈秦居閏位任刑名爲政本
漢執靈圖雜霸道而爲業當塗興而三分峙典
午末而四海亂九州封域窟穴鯨鯢之羣五都
遺黎蹴踏戎馬之足雖玄行定嵩洛水運據嶠
函未正滄海之流詎息崑山之燎叶千齡之旦
暮當萬葉之一朝者其在大隋乎粵若高祖文
皇帝誕聖降靈則赤光照室韜神晦迹則紫氣
騰天龍顏日角之奇玉璽珠衡之異著在圖籙
彰乎儀表而帝系靈長神基崇峻邠岐之累

德異豐沛之勃起俯膺歷試納揆賓門位長
卿望高百辟猶重華之爲太尉若文命之任同
空蒼歷將盡率土麋沸玉弩驚天金鉞照野姦
雄挺禍據河朔而連海岱猾長縱惡杜白馬而
塞成臯庸蜀逆命憑銅梁之險鄖黃背誕引金
陵之寇三川已震九鼎將飛高祖龍躍鳳翔濡
足授手應赤伏之符受玄狐之籙命百下百勝
之將動九天九地之師平共工而殄蚩尤翦獫
狁而戮鑿齒不煩二十八將無假五十二征曾

未踰時妖逆咸殄廓氛霧於區宇出黎元於塗炭天柱傾而還正地維絕而更紐殊方稽顙識牛馬之內向樂師伏地懼鐘石之變聲萬姓所以樂推三靈於是改卜壇場已備猶弘五讓之心億兆難違方從四海之請光臨寶祚展禮郊丘舞六代而降天神陳四圭而饗上帝乾坤交泰品物咸亨酌前王之令典改易徽號因庶萌之子來移創都邑天文上當朱鳥地理下據黑龍正位辨方揆景於日月內宮外座取法於辰

象懸政教於魏闕朝羣后於明堂除舊布新移
風易俗天街之表地脉之外獯獫孔熾其來自
久橫行十萬樊噲於是失辭提步五千李陵所
以陷沒周齊兩盛競結旄頭娉狄后於漠北未
足息其侵擾傾珍藏於山東不能止其貪暴炎
靈啓祚聖皇馭寓運天策於帷展播神威於沙
朔柳室擅裘之長皆爲臣隸瀚海蹕林之地盡
充池苑三吳百越九江五湖地分南北天隔內
外談黃旗紫蓋之氣恃龍蟠獸據之嶮恒有僭

偽之君妄竊帝王之號時經五代年移三百爰
降皇情永懷大道愍彼黎獻獨爲匪人今上利
建在唐則哲居代地憑宸極天縱神武受脤出
車一舉平定於是八荒無外九服大同四海爲
家萬里爲宅乃休牛散馬偃武修文自華夏亂
離縣積年代人造戰爭之具家習澆僞之風聖
人之遺訓莫存先王之舊典咸墜爰命秩宗刊
定五禮申勅太史改正六樂玉帛罇俎之儀節
文乃備金石匏革之奏雅俗始分而留心政術

垂神聽覽早朝晏罷廢寢忘食憂百姓之未安
物之失所行先王之道夜思待旦革百
之弊朝不及夕見一善事喜彰於容旨聞一
犯歎深於在予薄賦輕徭務農重穀倉廩有紅
腐之積黎萌無阻饑之慮天性弘慈聖心惻隱
恩加禽獸胎卵於是獲全仁霑草木牛羊所以
勿踐至於憲章重典刑名大辟申法而屈情決
斷於俄頃故能蕤倫攸敘上下齊肅左右絕諂
諛之路縉紳無勢力之門小心翼翼敬事於天

地終日乾乾誠慎於尤極陶黎萌於德化致風
俗於太康公卿庶尹遐邇岳牧僉以天平地成
千載之嘉會登封降禪百王之盛典宜其金泥
玉檢展禮介丘飛聲騰實常爲稱首天子爲而
不恃成而不居冲肯凝邈固辭弗許而雖休勿
休上德不德更乃潔誠岱岳遜謝愆咎方知六
十四卦謙撝之道爲尊七十二君告成之義爲
小巍巍蕩蕩無得以稱焉而深誠至德感達於
穹壤和氣薰風充溢於宇宙二儀降福百靈薦

社日月星象風雲草樹之祥山川玉石鱗介羽毛之瑞歲見月彰不可勝紀至於振古所未有圖籍所不載目所不見耳所未聞古語稱聖人作萬物覩神靈滋百寶用此其效矣旣而遊心姑射脫屣之志已深鑄鼎荆山升天之駕遂遠凡在黎獻共惟帝臣慕深考妣哀纏弓劍塗山幽峻無復玉帛之禮長陵寂寞空見衣冠之遊若乃降精燁怒飛名帝錄開運握圖創業垂統聖德也撥亂反正濟國寧人六合八紘同文共

軌神功也玄酒陶匏雲和孤竹禋祀上帝尊極
配天大孝也偃伯戢戈正禮裁樂納民壽域驅
俗福林至政也張四維而臨萬寓侔三皇而並
五帝豈直鎔銖周漢么麼魏晉而已雖五行之
舞每陳於清廟九德之歌無絕於樂府而玄功
暢洽不局於形器懿業遠大豈盡於揄揚臣輕
生多幸命偶興運趨事紫宸驅馳丹陛一辭天
闕奄隔鼎湖空有攀龍之心徒懷慕蟻之意庶
憑毫翰敢希贊述昔堙海之禽不增於大地泣

河之士非益於洪流盡其心之所存忘其力之所及輒緣斯義不覺楚然乃作頌曰

悠哉邃古邈矣季世四海九州萬王千帝三代之後其道逾替爰逮金行不勝其弊戎狄猾夏羣凶縱慝竊號淫名十有餘國怙威逞暴悖禮亂德五嶽塵飛三象霧塞玄精啓曆發迹幽方并吞寇僞獨擅雄強載祀二百比祚前王江湖尚阻區域未康勾吳閩越河朔渭涘九縣瓜分三方鼎峙狙詐不息干戈競起東夏雖平亂離

瘼矣五運叶期千年肇且赫矣高祖人靈攸贊
聖德廻生神謀獨斷瘳惡彰善夷凶靖難宗伯
撰儀太史練日孤竹之管雲和之瑟展禮上玄
飛煙太一珪璧朝會山川望秩占揆星景移建
邦畿下憑赤壤上叶紫微布政衢室懸法象魏
帝宅天府固本崇威甸河瀚海龍荒狼望種落
陸梁時犯亭障皇威遠懾帝德遐暢稽顙歸誠
稱臣內向吳越提封斗牛星象積有年代自稱
君長大風未繳長鯨漏網授鉞天人豁然清蕩

戴日戴斗太平大蒙禮教周被書軌大同復禹
之跡成舜之功禮以安上樂以移風憂勞庶績
矜育黔首三面解羅萬方引咎納民軌物驅時
仁壽神化隆平生靈熙阜虔心恭已奉天祀地
協氣橫流休徵紹至壇場望幸云亭虛位推而
不居聖道彌粹齊跡姬文登發嗣聖道類漢光
傳莊寶命知來藏往玄覽幽境鼎業靈長洪基
隆盛崆峒問道汾射宵然御辯遐逝乘雲上仙
哀纏率土痛感穹玄流澤萬葉用教百年尚想

散圖永惟聖則道洽幽顯仁霑動植爰象不陳
乾坤將息微臣作頌用申罔極

祭文

祭江文

維開皇元年行軍元帥晉王謹以太牢之奠敬
祭南瀆大江之神仰惟靈性包平智德擅靈長
上膺東井下紀南國引雙流而分九派長四瀆
而納百川自晉永嘉乾靈落綱蕞爾吳越僭僞
相承陳賊叔寶世濟其凶士庶爲其塗炭人神
所以怨憤忝司九伐清彼一方分命將士乘流
南渡仰憑靈佑咸蒙利涉今申命蒼兕躬總精

鏡直趨金陵行登石首庶蛟螭竄於洲渚惟蓋
靜於波濤江表克平海內清泰謹申禮薦惟神
尚享

祭淮文

元帥晉王謹以清滌制幣太牢之奠敬祭于東
瀆大淮之靈蓋聖德應期神功宰物上齊七政
下括四海自晉人喪道彝倫攸斁天隔内外地
毀東南三吳成危亂之邦百越爲逋逃之藪皇
帝肇開鼎業光有神器圖出龜龍鏡懸金玉憂
勞庶績無怠寤寐言念蒼生情深矜養河源海
外莫不來庭冒頓呼韓歲時拜誦僞陳藪爾尚
阻聲教妖賊叔寶僭竊遺緒毒流江左冤結人

神上軫皇情義申弔伐猥蒙朝寄撫寧淮甸仰
惟導源桐柏長邁蓬萊標四瀆而引百川擅五
材而含七德庶憑流惡之靈克成除暴之舉使
水陸旌旗所向無前吳會君長束手歸服謹申
薦醴惟神尚饗

附錄

薛道衡傳

唐魏徵

薛道衡字玄卿河東汾陰人也祖聰魏濟州刺史父孝通常山太守道衡六歲而孤專精好學年十三講左氏傳見子產相鄭之功作國僑贊頗有詞致見者奇之其後才名益著齊司州牧彭城王浹引爲兵曹從事尚書左僕射弘農楊遵彥一代偉人見而嗟賞授奉朝請吏部尚書隴西辛術與語歎曰鄭公業不亾矣河東裴讞

目之曰自鼎遷河朔吾謂關西孔子罕值其人
今復遇薛君矣武成作相召爲記室及卽位累
遷太尉府主簿歲餘兼散騎常侍接對周陳二
使武平初詔與諸儒修定三禮除尚書左外兵
郎陳使傳綽聘齊以道衡兼主客郎接對之綽
贈詩五十韻道衡和之南北稱美魏收曰傳綽
所謂以蚓投魚耳待詔文林館與范陽盧思道
安平李德林齊名友善復以本官直中書省尋
拜中書侍郎仍叅太子侍讀後主之時漸見親

用于時頗有附會之譏後與侍中斛律孝卿參
預政事道衡具陳備周之策孝卿不能用及齊
亡周武引爲御史二命士後歸鄉里自州主簿
入爲司祿上士高祖作相從元帥梁睿擊王謙
攝陵州刺史大定中授儀同攝邛州刺史高祖
受禪坐事除名河間王弘北征突厥召典軍書
還除內史舍人其年兼散騎常侍聘陳王使道
衡因奏區區之陳久在天網之外臣今奉使請
責以稱藩高祖曰朕且含養置之度外勿以言

辭相折識朕意焉江東雅好篇什陳主尤愛雕蟲道衡每有所作南人無不吟誦焉及八年代陳授淮南道行臺尚書吏部郎兼掌文翰王師臨江高頻夜坐幕下謂之曰今段之舉克定江東已不君試言之道衡答曰凡論大事成敗先須以至理斷之禹貢所載九州本是王者封域後漢之季羣雄競起孫權兄弟遂有吳楚之地晉武受命尋卽吞併永嘉南遷重此分割自爾已來戰爭不息否終斯泰天道之恒郭璞有云

江東偏王三百年還與中國合今數將滿矣以
運數而言其必克一也有德者昌無德者亡自
古興滅皆由此道主上躬履恭儉憂勞庶政叔
寶峻宇雕牆酣酒荒色上下離心人神同憤其
必克二也爲國之體在於任寄彼之公卿備員
而已拔小人施文慶委以政事尚書令江摠唯
事詩酒本非經略之才蕭摩訶任蠻奴是其大
將一夫之用耳其必克三也我有道而大彼無
德而小量其甲士不過十萬西至巫峽東至滄

海分之則勢懸而力弱聚之則守此而失彼其
必克四也席卷之勢其在不疑頻忻然曰君言
成敗事理分明吾今豁然矣本以才學相期不
意籌略乃爾還除吏部侍郎後坐拙擢人物有
言其黨蘇威任人有意故者除名配防嶺表晉
王廣時在揚州陰令人諷道衡從揚州路將奏
留之道衡不樂王府用漢王諒之計遂出江陵
道而去尋有詔徵還直內史省晉王由是銜之
然愛其才猶頗見禮後數歲授內史侍郎加上

儀同三司道衡每至構文必隱坐空齋踞壁而卧聞戶外有人便怒其沉思如此高祖每曰薛道衡作文書稱我意然誠之以迂誕後高祖善其稱職謂楊素牛弘曰道衡老矣驅使勤勞宜使其朱門陳戟於是進位上開府賜物百段道衡辭以無功高祖曰爾久勞階陞國家大事皆爾宣行豈非爾功也道衡久當樞要才名益顯太子諸王爭相與交高頗楊素雅相推重聲名籍甚無競一時仁壽中楊素專掌朝政道衡旣

與素善上不欲道衡久知機密因出檢校襄州
總管道衡久蒙驅策一旦遠離不勝悲戀言之
哽咽高祖愴然改容曰爾光陰晚暮侍奉誠勞
朕欲令爾將攝兼撫萌俗今爾之去朕如斷一
臂於是賚物三百段九環金帶并時服一襲馬
十匹慰勉遣之在任清簡吏民懷其惠煬帝嗣
位轉播州刺史歲餘上表求致仕帝謂內史侍
郎虞世基曰道衡將至當以秘書監待之道衡
既至上高祖文皇帝頌帝覽之不悅顧謂蘇威

曰道衡致美先朝此魚藻之義也於是拜司隸大夫將置之罪道衡不悟司隸刺史房彥謙素相善知必及禍勸之杜絕賓客卑辭下氣而道衡不能用會議新令久不能決道衡謂朝士曰向使高頻不死令決當久行有人奏之帝怒曰汝憶高頻邪勅執法者勸之道衡自以非大過促憲司早斷於奏日冀帝赦之勅家人具饌以備賓客來候者及奏帝令自盡道衡殊不意未能引訣憲司重奏縊而殺之妻子徙且末時年

七十天下冤之有集七十卷行於世有子五人
收最知名

贈薛播州十四首

隋楊素

素嘗以五言詩七百字贈播州刺史薛道衡詞氣穎拔風韻秀上爲一時盛作未幾而卒道衡曰人之將死其言也善若是乎

在昔天地閉品物屬屯蒙和平替王道哀怨結
人風麟傷世已季龍戰道將窮亂海飛羣水貫
日引長虹干戈異革命揖讓非至公

兩河定寶鼎八水域神州函關絕無路京洛化
爲丘澤滄爾連沼涇渭余別流生郊滿戎馬涉
路起風牛班荆疑莫遇贈編竟無由

五緯連珠聚千載濁河清金亾潛虎質閨盡自
蛙聲聖朝伊旦暮天祿啓炎精霧生三日重星
飛五老輕禋宗答上帝改物劍羣生

道昏雖已朗政故猶未新剗舟洹水濟

一作結

網大川濱出遊迎釣叟入夢訪幽人植林雖各
樹開榮豈異春相逢一時泰共幸百年身

有帛賁丘園生芻自幽谷塵芳金馬路瀾清鳳
池澳零落旣垂光清風復流穆傾蓋如舊知彈
冠豈新沐利心金各斷芬言蘭共馥

自余歷端揆緝熙丕時彥及爾陪帷幄出納先天
睠高調發清音縹藻流餘絢或如彼金玉歲暮
無凋變余松待爾心爾筠留我箭

荏苒積歲時契闊同遊處閭闔旣趨朝承明還
宴語上林陪羽獵甘泉侍清曙迎風含暑氣飛
雨淒寒序相顧惜光陰留情共延佇

滔滔彼江漢實爲南國紀作牧求明德若人應
斯美高卧未褰帷飛聲已千里還望白雲天日
暮秋風起峴山君儻遊淚落應無已

漢陰政已成嶺表人猶蠹彈冠比方新還珠總
如故楚人結去思越俗歌來暮陽鳥尚歸飛別
鶴還迴顧君見南枝巢應思北風路

北風吹故林秋聲不可聽鴈飛窮海寒鶴唳霜
臯淨含毫心未傳聞音路猶隻唯有孤城月
裏獨臨映弔影余自憐安知我疲病

養病願歸閒居榮在知足栖遲茂陵下優游滄
海曲古人情可見今人遵路躅荒居接野窮心
物俱非俗桂樹芳叢生山幽竟何欲

所欲棲一枝稟分豐諸已園樹避鳴蟬山梁遇
雌雉野陰冒叢灌幽氣含蘭芷悲哉暮秋別春
草復萋矣鳴琴久不聞屬聽空流水

秋水魚遊日春樹鳥鳴時濠梁暮共往幽谷有
相思千里悲無駕一見杳難期山河散瓊蘂庭
樹下丹滋物華不相待遲暮有餘悲

銜悲向南浦寒色黯沉沉風起洞庭險煙生雲
夢深獨飛時慕侶寡和乍孤音木落悲時暮時
暮感離心離心多苦調詎假雍門琴

陪王司馬登薛公逍遙臺

唐張九齡

故郡城有荒臺焉雖層宇落構而遺製巋然邑
老相傳斯則薛公道衡之所憇也薛公不吝隋
季出守汝隅豈作臺榭以崇奢蓋因丘陵而視
遠必有以清滌孤憤舒嘯佳辰寄文翰以相宣
仰風流而未泯今司馬公府庭閑暇江浦清明
南土陽和覺寒氛之向盡東郊候暖愛春色之
先來于是命輕舸以乘流趣高臺而降望越荒

堞披古道躋隱嶙而三休俯阡綿而極其遠則
煙連井墟指甌貉以南馳雲合山川拒荆吳而
北走其近則深谿見底鱗介之所出浚喬林夾
听羽毛之所翱翔悠哉薛公無不寄也意神期
之可接陟彼峻隅想風景之不殊剪爲茂草司
馬公又以爲峴山故事感羊祜以興言湘水遺
風懷屈原而可作况登高能賦得無述焉猥惟
陋才忝陪下列祇命爲序請各言詩

常聞薛公淚非直雍門琴竄逐留遺跡悲涼見

此心府中因暇豫江上幸招尋人事已成古風
流獨至今閑情多感歎清景暫登臨無復甘棠
在空餘蔓草深晴光送遠目勝氣入幽襟水去
朝滄海春來換翠林賦懷湘浦弔碑想漢川沈
曾是陪遊日徒爲梁父吟

遺事

薛道衡一代文宗位望清顯所交結皆海內名
賢重房彥謙深加友敬及兼襄州總管辭翰往
來交錯道路道衡轉收播州路經彥謙所留連
數日屑涕而別

房彥謙傳

薛道衡嘗遊鍾山開善寺謂一沙彌曰金剛何
爲勞目菩薩何爲低眉沙彌答曰金剛努目所
以降伏四魔菩薩低眉所以慈悲六道道衡撫

然稱善

世說新語補

隋煬帝善屬文不欲人出其右薛道衡由是得

罪後因事誅之曰更能作空梁落燕泥否

小說舊聞

薛內史見文中子曰長安謂其子收曰河圖洛

書盡在是矣汝往事之無失也

文中子

內史薛公謂文中子曰吾於文章可謂浮溺矣

子離席而拜曰敢賀丈人之知過也薛公因執

手喟然而咏曰老夫亦何冀之子振頽綱

文中子

道衡孫元超爲唐弘文館學士省中有盤石道

衡爲侍郎時常據以草制元超每見輒泫然

唐書

薛道衡爲吏部侍郎極知李文博恒令在廳事
惟中披檢書史并察已行事遇治政善事卽抄
撰記錄如選用疎謬卽委之臧否道衡每得其
語欣然從之

李文博傳

薛道衡聘南南朝一僧甚辯捷令於佛堂中讀
法華經將道衡向寺至佛堂門僧大引聲讀法
華云鳩槃荼鬼今在門外道衡應聲以法華答
云毗舍闍鬼乃在其中僧徒愧服更無以報

顏

集評

薛道衡聘陳作人日詩云入春纔七日離家已
二年南人嗤之曰是底言誰謂此虜解作詩及
云人歸落鴈後思發在花前乃喜曰名下固無

虛士

世說新
語補